



სსიპ-ივანე ჯავახიშვილის სახელობის თბილისის სახელმწიფო უნივერსიტეტი

პროგრამის სტრუქტურა და შინაარსი

პროგრამის სახელწოდება (ქართულად და ინგლისურად)	კულტურის კვლევები Cultural Studies
მისანიჭებელი კვალიფიკაცია (ქართულად და ინგლისურად)	კულტურის კვლევების დოქტორი PhD in Cultural Studies
პროგრამის მოცულობაკრედიტებით და მათი განაწილება	სადოქტორო პროგრამა არის სამწლიანი, სასწავლო კომპონენტს ეთმობა 40 ECTS კრედიტი
სწავლების ენა	ქართული
პროგრამის ხელმძღვანელი	თსუ პროფესორი ნინო ჩიქოვანი
პროგრამაზე დაშვების წინაპირობა	მაგისტრის ან მასთან გათანაბრებული აკადემიური ხარისხი სწავლის ფართო სფეროებში: 01 განათლება 02 ხელოვნება, ჰუმანიტარული მეცნიერებები 03 სოციალური მეცნიერებები, ჟურნალისტიკა და ინფორმაცია გაერთიანებულ კვალიფიკაციებში; დოქტორანტობის მსურველს ევალება: - ერთ-ერთი უცხო ენის (ინგლისური, გერმანული, ფრანგული) ცოდნის დადასტურება მინიმუმ B2 დონეზე თსუ უცხოური ენების ცენტრის მიერ ორგანიზებულ გამოცდაზე ან საერთაშორისო აღიარების მქონე სერტიფიკატით. - ამასთან, გერმანული ან ფრანგული ენის ცოდნის დადასტურების შემთხვევაში დოქტორანტობის კანდიდატს მოეთხოვება ინგლისური ენის ცოდნის დადასტურება არანაკლებ B1 დონეზე გამოცდით ან საერთაშორისო სერტიფიკატით; - სადოქტორო ნაშრომის სავარაუდო სამეცნიერო ხელმძღვანელის თანხმობა და კვლევის ბაზად შერჩეული თსუ ჰუმანიტარულ მეცნიერებათა ფაკულტეტის კულტურის კვლევების სასწავლო-სამეცნიერო ინსტიტუტის სადოქტორო პროგრამის ხელმძღვანელის რეკომენდაცია. - კვლევითი უნარების შეფასების მიზნით, კანდიდატს მოეთხოვება კულტურის კვლევების სფეროში წინარე ნაშრომი/პუბლიკაცია ან/და სამეცნიერო-კვლევით პროექტებსა და ღონისძიებებში მონაწილეობა, ან/და შესაბამისი

	სფეროში მუშაობის არანაკლებ 2-წლიანი გამოცდილება (იხ. პროგრამის დასაქმების სფეროები); • დოქტორანტობის კანდიდატი დოქტორანტურის საგანმანათლებლო პროგრამაზე მიმღებ კომისიას წერილობითი სახით წარუდგენს სადოქტორო კვლევის თეზისს/პროექტს. • კომისიის მიერ კვლევის თეზისს/პროექტის დადებითად შეფასების შემთხვევაში დოქტორანტი გადის გასაუბრებას სპეციალობაში. • სადოქტორო პროგრამაზე ჩარიცხვა ხდება გასაუბრებასა და სადოქტორო კვლევის თეზისს/პროექტის შეფასებისას მიღებული ქულების მიხედვით მიმღები კომისიის მიერ გაწეული რეკომენდაციის საფუძველზე. უცხო ქვეყნის მოქალაქეების ჩარიცხვა ხორციელდება საქართველოს კანონმდებლობის შესაბამისად, აგრეთვე შიდა შესარჩევი კონკურსის შედეგების საფუძველზე. დოქტორანტურაში მიღების შესახებ ინფორმაცია თავსდება თსუ-ს ვებგვერდზე www.tsu.ge
საგანმანათლებლო პროგრამის მიზანი	კულტურის კვლევების სადოქტორო პროგრამის მიზანია: • მოამზადოს მაღალი დარგობრივი კომპეტენციისა და პასუხისმგებლობის მქონე მკვლევარი, რომელსაც აქვს დარგის თანამედროვე მიღწევებზე დაფუძნებული ცოდნა კულტურის რთული და მრავალფეროვანი ფენომენის, მისი ფუნქციონირების სოციალური და პოლიტიკური კონტექსტ(ებ)ის, კულტურათა შორის ურთიერთობის სფეროში, რომელსაც შეუძლია შექმნას ახალი ცოდნა ინოვაციური მიდგომების გამოყენებით, კვლევითი სამუშაოს დამოუკიდებლად დაგეგმვისა და განხორციელების გზით. • სიღრმისეულად შეასწავლოს დოქტორანტს კულტურის კვლევის თანამედროვე მეთოდები; ინფორმაციის მოპოვების, დამუშავებისა და ანალიზის, სამეცნიერო ლიტერატურაში დამოუკიდებლად ორიენტაციის ხერხები, რის საფუძველზე ის შეძლებს დარგობრივი ცოდნის მუდმივად განახლებას, მისი სამეცნიერო ინტერესების სფეროში არსებული სიახლეების და მიღწევების გაცნობა-გადამუშავების საფუძველზე. • განუვითაროს დოქტორანტს დამოუკიდებლად სწავლის, ახალი ცოდნის ათვისების, სამეცნიერო საქმიანობის ორგანიზების უნარი, რის

	საფუძველზე იგი შეიმუშავებს და განახორციელებს სასწავლო და კვლევითი პროექტებს, მოამზადებს პუბლიკაციებს მაღალრეიტინგულ რეფერირებად სამეცნიერო გამოცემებში გამოქვეყნებისათვის, შექმნის მოთხოვნების შესაბამის საკვალიფიკაციო ნაშრომს. - გამოუმუშავოს დოქტორანტსკულტურის ფენომენის კვლევის საკვანძო მომენტების, ქვეყნისა და რეგიონისათვის განსაკუთრებით აქტუალური პრობლემების გამოკვეთის, ინტერდისციპლინური კვლევისა და სწავლების პროცესში სხვა დარგების წარმომადგენლებთან თანამშრომლობის უნარი. - აღზარდოს მაღალი პასუხისმგებლობის მქონე სპეციალისტი, რომელიც სიღრმისეულად იაზრებს ჰუმანისტურ, დემოკრატიულ ფასეულობებსა და ტოლერანტობის პრინციპებს, იცავს აკადემიური და პროფესიულ ეთიკის ნორმებს და ხელს უწყობს საზოგადოების ზნეობრივ და კულტურულ წინსვლას. - კვლევისა და სწავლების თანამედროვე მეთოდების შესწავლით, მოამზადოს დოქტორანტი უმაღლეს სასწავლებელში პედაგოგიური და კვლევითი საქმიანობისათვის, სასწავლო პროცესში კვლევის სიახლეებისა და სწავლების ინოვაციური მეთოდების გამოყენებისათვის.
სწავლის შედეგები	საგანმანათლებლო პროგრამის დასრულების შემდეგ კურსდამთავრებული:
ა) ცოდნა და გაცნობიერება	- სიღრმისეულად აღწერს და კრიტიკულად აფასებს კულტურის კვლევათა განვითარების მთავარ კანონზომიერებებს, ძირითად მიმართულებებსა და უახლეს კონცეფციებს, კულტურის ფენომენის მეცნიერული ანალიზის ხერხებსა და მეთოდებს, დარგის განვითარების ტენდენციებს. - სისტემურად და სიღრმისეულად მსჯელობს კულტურის კვლევების ინტერდისციპლინურ ხასიათს, შესაბამის სოციალურ და პოლიტიკურ კონტექსტში ემპირიული მასალის გააზრების მნიშვნელობას.
ბ) უნარები	- მკაფიოდ აყალიბებს საკვლევ საკითხს, მოიძიებს შესაბამის ემპირიულ მასალასა და სამეცნიერო ნაშრომებს, ახდენს მათ კლასიფიკაციას, სისტემატიზაციას, კრიტიკულად ანალიზებს მონაცემებს, ადეკვატურად განსაზღვრავს და ასაბუთებს კვლევის მეთოდებსა და თეორიული ჩარჩოს; - იხილავს საკითხებს მრავალი სხვადასხვა

	პერსპექტივიდან, საფუძვლიანად და კრიტიკულად აანალიზებს და აფასებს თითოეულ მიდგომას, რაც ხელს უწყობს კვლევის მეთოდოლოგიის სწორ და დასაბუთებულ შერჩევას; • არგუმენტირებულად ასაბუთებს ჩვენი ქვეყნისათვის განსაკუთრებით აქტუალური მიმართულებებით ცოდნის გაღრმავებისა და გაფართოების აუცილებლობას. • ქმნის მეცნიერული ღირებულების მქონე, სამეცნიერო სიახლის შემცველ პუბლიკაციებს საკვლევ სფეროში, ამზადებს მათმაღალრეიტინგულსამეცნიერო გამოცემებში გამოქვეყნებისთვის; • დარგის უახლეს მიღწევებზე დაყრდნობით, ქმნის ახალ ცოდნას; წარმოადგენს კვლევის შედეგებს ადგილობრივ და საერთაშორისო სამეცნიერო ფორუმებზე; • დამოუკიდებლად გეგმავს კვლევითი სამუშაოს; • ინოვაციური მიდგომების დემონსტრირების გზით, გადასცემს ცოდნას სტუდენტებსა და ფართო საზოგადოებას.
გ) პასუხისმგებლობა და ავტონომიურობა	• კულტურის კვლევების აქტუალურ საკითხებზე კვლევითი პროექტების დაგეგმვა-გახორციელებისას ავლენს ავტონომიურობის მაღალ ხარისხს, იცავს აკადემიური და პროფესიული კეთილსინდისიერების პრინციპებს; • კვლევის ორიგინალური მეთოდებისა და მიდგომების გამოყენებით, საკუთარი წვლილი შეაქვს ახალი ცოდნის შექმნასა და დარგის განვითარებაში.
სწავლა-სწავლების მეთოდები	• პრობლემაზე დაფუძნებული სწავლება; • ვერბალური მეთოდი; • დემონსტრირების მეთოდი; • ჯგუფური მუშაობის მეთოდი; • დისკუსია/დებატები; • კონკრეტული შემთხვევის შესწავლა; • ელექტრონული სწავლების მეთოდები და სხვ.
შეფასების სისტემა	დაუშვებელია სტუდენტის სემესტრული მიღწევის შეფასება მხოლოდ სემესტრის ბოლოს ჩატარებული გამოცდის მიხედვით. დოქტორანტის მიერ სემესტრის განმავლობაში გაწეული შრომის შეფასება ითვალისწინებს: ა) მისი დამოუკიდებელი მუშაობის შეფასებას; ბ) შუა სემესტრულ რეიტინგულ შეფასებას; გ) სემესტრის დასკვნით შეფასებას.

	შეფასებათა სისტემა უშვებს ხუთი სახის დადებით შეფასებას: ა) (A) ფრიადი – შეფასების 91-100 ქულა; ბ) (B) ძალიან კარგი – მაქსიმალური შეფასების 81-90 ქულა; გ) (C) კარგი – მაქსიმალური შეფასების 71-80 ქულა; დ) (D) დამაკმაყოფილებელი – მაქსიმალური შეფასების 61-70 ქულა; ე) (E) საკმარისი – მაქსიმალური შეფასების 51-60 ქულა; არსებობს ორი სახის უარყოფითი შეფასება: ვ) (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით ხელახლა გამოცდაზე გასვლის უფლება; ზ) (F) ჩაიჭრა – მაქსიმალური შეფასების 40 ქულა და ნაკლები, სტუდენტს მნიშვნელოვანი სამუშაო აქვს ჩასატარებელი, ანუ საგანი ახლიდან აქვს შესასწავლი. დასკვნით გამოცდაზე გასვლის უფლება ეძლევა სტუდენტს, რომელსაც სემესტრული შუალედური შეფასების მაქსიმალური ქულების რაოდენობიდან დაგროვილი აქვს მინიმუმ 21 ქულა. <i>დასკვნით და დამატებით გამოცდას შორის შუალედი უნდა იყოს არანაკლებ 5 (ხუთი) კალენდარული დღისა.</i> დოქტორანტის სასემინარო ნაშრომი ფასდება ასქულიანი სისტემით, რაშიც დარგში დოქტორის აკადემიური ხარისხის მქონე რეცენზენტის მიერ იწერება შეფასება 60 ქულის ფარგლებში (დადებით შეფასებად ითვლება 31 ქულა), ხოლო სემინარის პრეზენტაცია ფასდება 40 ქულის ფარგლებში (დადებით შეფასებად ითვლება 20 ქულა), წინასწარ დადგენილი კრიტერიუმებით. დოქტორანტი ვალდებულია, შეასრულოს და საჯაროდ წარმოადგინოს ორი სამეცნიერო-კვლევითი პროექტი, რომლებიც არის მისი სადისერტაციო კვლევის ნაწილი. სამეცნიერო-კვლევითი პროექტის ფარგლებში შესრულებულ ნაშრომზე დარგში დოქტორის აკადემიური ხარისხის მქონე რეცენზენტის მიერ იწერება რეცენზია, ხოლო ნაშრომის პრეზენტაცია ფასდება წინასწარ დადგენილი კრიტერიუმებით (განმავითარებელი შეფასება). სამეცნიერო-კვლევითი პროექტების დადებითი შეფასება არის სადისერტაციო ნაშრომის დასაცავად მიღების წინაპირობა. სადისერტაციო ნაშრომის დაცვის კომისიის წევრების მიერ დისერტაციის შეფასება ხდება
--	--

	კონფიდენციალურად, ასკულიანი სისტემით. სადისერტაციო ნაშრომის შეფასება: დისერტაციის საბოლოო შეფასებისათვის სადისერტაციო ნაშრომის დაცვის კომისიას გამოყავს ქულათა საშუალო არითმეტიკული, რომელსაც შეუფარდებს შეფასებას შემდეგი სისტემის მიხედვით: ა) ფრიადი (summa cum laude) – შესანიშნავი ნაშრომი - შეფასების 91-100 ქულა. ბ) ძალიან კარგი (magna cum laude) – შედეგი, რომელიც წაყენებულ მოთხოვნებს ყოველმხრივ აღემატება – მაქსიმალური შეფასების 81-90 ქულა. გ) კარგი (cum laude) – შედეგი, რომელიც წაყენებულ მოთხოვნებს აღემატება – მაქსიმალური შეფასების 71-80 ქულა. დ) საშუალო (bene) – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს – მაქსიმალური შეფასების 61-70 ქულა. ე) დამაკმაყოფილებელი (rite) – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს – მაქსიმალური შეფასების 51-60 ქულა. ვ) არადამაკმაყოფილებელი (insufficient) – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს – მაქსიმალური შეფასების 41-50 ქულა. ზ) სრულიად არადამაკმაყოფილებელი (sub omni canone) – შედეგი, რომელიც წაყენებულ მოთხოვნებს სრულიად ვერ აკმაყოფილებს – მაქსიმალური შეფასების 40 ქულა და ნაკლები. „ა“-„ე“ ქვეპუნქტებით გათვალისწინებული შეფასების მიღების შემთხვევაში დოქტორანტს ენიჭება დოქტორის აკადემიური ხარისხი. „ვ“ ქვეპუნქტით გათვალისწინებული შეფასების მიღების შემთხვევაში დოქტორანტს უფლება ეძლევა ერთი წლის განმავლობაში წარადგინოს გადამუშავებული სადისერტაციო ნაშრომი. „ზ“ ქვეპუნქტით გათვალისწინებული შეფასების მიღების შემთხვევაში დოქტორანტი კარგავს იმავე სადისერტაციო ნაშრომის წარდგენის უფლებას.
დასაქმების სფეროები	• საგანმანათლებლო დაწესებულებები; • სხვადასხვა პროფილის სამთავრობო და არასამთავრობო ორგანიზაციები;

	• საერთაშორისო ორგანიზაციები; • სამეცნიერო-კვლევითი ცენტრები, ფონდები და ორგანიზაციები; • ბიბლიოთეკები, გამომცემლობები არქივები, მუზეუმები; • ტურისტული სააგენტოები; • მასმედია.
სწავლის საფასური საქართველოს მოქალაქე და უცხო ქვეყნის მოქალაქე სტუდენტებისათვის	უმაღლესი განათლების სადოქტორო საფეხურის სწავლის წლიური საფასური საქართველოს მოქალაქე სტუდენტებისთვის შეადგენს 2250 ლარს. თსუ ჰუმანიტარულ მეცნიერებათა ფაკულტეტს, ფაკულტეტის საბჭოს გადაწყვეტილების საფუძველზე, სწავლებისა და კვლევის ინტეგრაციისა და ჰუმანიტარი მკვლევრების მომზადების მნიშვნელობიდან გამომდინარე, ფინანსური შეღავათები აქვს დაწესებული სადოქტორო პროგრამების სტუდენტებისათვის პროგრამის ხელმძღვანელთა შუამდგომლობის საფუძველზე (შეღავათი არ ვრცელდება დამატებითი სემესტრის დოქტორანტებზე). სწავლის საფასური უცხო ქვეყნის მოქალაქეებისათვის განისაზღვრება საქართველოში მოქმედი კანონმდებლობით.
პროგრამის განხორციელებისათვის საჭირო ადამიანური და მატერიალური რესურსი	სადოქტორო პროგრამის განხორციელებაში მონაწილეობს ჰუმანიტარულ მეცნიერებათა ფაკულტეტის კულტურის კვლევების ს/ს ინსტიტუტის აკადემიური პერსონალი: • პროფესორი ნინო ჩიქოვანი; • ასოცირებული პროფესორი ქეთევან კაკიტელაშვილი; • ასოცირებული პროფესორი ივანე წერეთელი; • ასოცირებული პროფესორი ირაკლი ჩხაიძე; კვლევითი საჭიროებიდან გამომდინარე, პროგრამის განხორციელებაში შეიძლება ჩაერთონ თსუ პროფილური დამოუკიდებელი სამეცნიერო-კვლევითი ინსტიტუტების სამეცნიერო პერსონალი და თსუ ემერიტუსი პროფესორები. პროგრამის გამართული მუშაობა უზრუნველყოფილია შემდეგი მატერიალურ-ტექნიკური რესურსებით: • თსუ-ს კომპიუტერული ბაზები და კომპიუტერული ცენტრები; • თსუ-ს და ფაკულტეტის რესურსცენტრები; • თსუ-ს, საფაკულტეტო და კულტურის კვლევათა ს/ს/ ინსტიტუტის ბიბლიოთეკები; • თსუ-ს ელექტრონული სწავლების პორტალი https://e-learning.tsu.ge/ • თსუ-ს სტუდენტებს და პროფესორ-მასწავლებლებს შეუზღუდავი და ულიმიტო

	წვდომა აქვთ ელექტრონულ ბაზებსა და ჟურნალებზე: EBSCO Publishing, CambridgeUniversityJournals, JStor, Scopus და სხვა. https://www.tsu.ge/ka/library/page/894
პროგრამის ფინანსური უზრუნველყოფა	სადოქტორო პროგრამას ფინანსურად უზრუნველყოფს თსუ და გაწერილია ფაკულტეტის ბიუჯეტში; გარდა იმისა, რომ თსუ ჰუმანიტარულ მეცნიერებათა ფაკულტეტს სწავლის საფასურის გადახდისას ფინანსური შეღავათები აქვს დაწესებული სადოქტორო პროგრამების სტუდენტებისათვის, ფაკულტეტის საბიუჯეტო კომისია დოქტორანტის კვლევის ინტერნაციონალიზაციის მხარდასაჭერად აფინანსებს მის საერთაშორისო სამეცნიერო აქტივობებს (საერთაშორისო სამეცნიერო სიმპოზიუმებსა და კონფერენციებში, სემინარებში მონაწილეობა და სხვ.).
დისერტაციის დაცვაზე დაშვების წინაპირობა	• სასწავლო კომპონენტისათვის განკუთვნილი კრედიტების სრულად ათვისება (40 კრედიტი); თუ დოქტორანტს, საკვლევი თემის სპეციფიკიდან გამომდინარე, ესაჭიროება კონკრეტული დარგობრივი ცოდნის გაღრმავება, მას უფლება აქვს, თავისუფალ მსმენელად დაესწროს და მოისმინოს სწავლების ქვედა საფეხურზე სასპეციალიზაციო სასწავლო კურს(ებ)ი (კურიკულუმგარე აქტივობა). დოქტორანტს დისერტაციის დაცვამდე მოეთხოვება: • სავალდებულო 2 სამეცნიერო-კვლევითი პროექტის შესრულება და საჯარო დაცვა; • სადისერტაციო ნაშრომის შეფასების პროცესის ინტერნაციონალიზაცია, რაც განხორციელდება უნივერსიტეტის დოქტორანტურის მინიმალური სტანდარტის შესაბამისად. • დოქტორანტს დისერტაციის დაცვამდე მოეთხოვება სადისერტაციო ნაშრომის ძირითადი შედეგების ამსახველი, მინიმუმ, სამი პუბლიკაცია. აღნიშნული პუბლიკაციებიდან ორი გამოქვეყნებული უნდა იყოს რეფერირებად (Peer-reviewed) საერთაშორისო ჟურნალებში (ან საკონფერენციო მასალებში), რომლებსაც აქვთ ISSN კოდი და ჰყავთ საერთაშორისო სარედაქციო საბჭო (ან სამეცნიერო კომიტეტი) და რომლებიც ვრცელდება საერთაშორისო მასშტაბით და არის ღია საერთაშორისო თანამშრომლობისთვის. ამავდროულად, ამ ორი პუბლიკაციიდან ერთი მაინც უნდა იყოს ისეთ საერთაშორისო ჟურნალში (ან საკონფერენციო მასალებში), რომელიც ინდექსირებულია Scopus-ის ან Web of Science-ის ან

	ERIH PLUS-ის (ERIH PLUS მხოლოდ იმ დოქტორანტებისთვის, რომლებიც მუშაობენ ქართველოლოგიის და კავკასიოლოგიის მიმართულებებით) ბაზებში. მესამე პუბლიკაცია შეიძლება იყოს სტატია ადგილობრივ სამეცნიერო ჟურნალში, რომელსაც აქვს ISSN კოდი, კრებულში (ან საკონფერენციო მასალებში), რომელსაც აქვს ISSN ან ISBN კოდი ან მონოგრაფია, რომელსაც ჰყავს თავის დარგში კომპეტენტური რედაქტორი და რეცენზენტი (რეცენზენტები) და აქვს ISBN კოდი. აღნიშნული პუბლიკაციები არ უნდა იყოს დოქტორანტის მიერ თანაავტორობით შესრულებული ნაშრომი. პუბლიკაციებიდან ერთ-ერთი შეიძლება არ იყოს დასტაშებული, მაგრამ მიღებული იყოს გამოსაქვეყნებლად. კვლევითი პროგრამული კომპონენტის მიმართ მოთხოვნები და დოქტორის აკადემიური ხარისხის მინიჭებისათვის აუცილებელი პროცედურები იხ. თსუ ჰუმანიტარულ მეცნიერებათა ფაკულტეტის დოქტორანტურის დებულებაში, რომელიც ემყარება საუნივერსიტეტო სადოქტორო სტანდარტს.
აკადემიური კეთილსინდისიერება	დოქტორანტმა: • უნდა წარმოადგინოს დამოუკიდებლად მომზადებული ნაშრომი, შესრულებული აკადემიური წერის სამეცნიერო სტანდარტის დაცვით; • ნაშრომი უნდა ეფუძნებოდეს ავტორის მიერ შემოწმებულ ინფორმაციას. რომელიმე ზემოხსენებული პრინციპის დარღვევის შემთხვევაში, სტუდენტს დაეკისრება ეთიკის კოდექსით განსაზღვრული დისციპლინური პასუხისმგებლობა აკადემიური კეთილსინდისიერების პრინციპების დარღვევის გამო. სანქცია შეიძლება იყოს როგორც ნაშრომის ხელახლა მომზადება, ასევე სასწავლო ან სამეცნიერო კომპონენტში არადამაკმაყოფილებელი შეფასების მიღება. დოქტორანტი ვალდებულია, საჯარო დაცვაზე ნაშრომის წარდგენამდე ნაშრომი ატვირთოს პლაგიატის აღმომჩენ პროგრამაში.
დამატებითი ინფორმაცია (საჭიროების შემთხვევაში)	სადოქტორო პროგრამას შესაძლებლობა აქვს, ყოველწლიურად მიიღოს არაუმეტეს 3 დოქტორანტისა.